



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Conciliorvm Omnivm Generalivm Et Provincialivm Collectio Regia**

Ab anno MCXVIII. ad annum MCLXXIX.

**Parisiis, 1644**

Epistola II. Callisti Papae II. Ad Stephanvm Abbatem Cisterciensem.  
Cisterciensis monasterii capitula confirmat.

**urn:nbn:de:hbz:466:1-15588**

CALLISTI PAPÆ II.

anno Domini 1124. cum munus pontificium administraſ-  
ſet annis quinque, mensibus decem, & diebus tredecim.  
Post obitum, teste Ottone Frisingensi, hoc elogio conde-  
coratus fuit:

*Ecce Calixtus honor patriæ, decus imperiale,  
Nequam Burdinum damnat, pacemque reformat.  
Ex Pandulpho plura Baronius.*

EPISTOLA I.

CALLISTI PAPÆ II.

AD ADALBERTVM MOGVNTINVM  
ARCHIEPISOPVM.

*De sui creatione.*

**D**OMINVS noster felicis memoriae Gelasius a Vienna  
discedens, iniunxit mihi vt ad eius præsentiam festi-  
narem, postquam ipse Cluniacum peruenisset. Quod cum  
post dies aliquot implere satagerem, in itinere de eius  
obitu mihi nuntiatum est. Ego, vt fratribus, qui cum do-  
mino eodem venerant, prout ratio exigebat, solatium  
exhiberem, Cluniacum cum graui dolore perrexi. Dum  
autem super eorum consolatione attentius cogitarem,  
ipſi grauissimum mihi onus, & vires meas omnino tran-  
ſcendens, imposuerunt. Congregati namque in vnum die  
altero post aduentum meum episcopi, cardinales, & cen-  
tum clerici & laici Romanorum, inuitum me penitus-  
que renitentem in Romanae ecclesiæ pontificem Calli-  
ſtum vnanimiter affumpſerunt.

EPISTOLA II.

CALLISTI PAPÆ II.

AD STEPHANVM ABBATEM CISTERCIENSEM.

Cisterciensis monasterii capitula confirmat.

*Callistus episcopus seruus seruorum Dei carissimis in Christo filiis  
Stephano venerabili Cisterciensis monasterii abbatи, & eius  
fratribus salutem & apostolicam benedictionem.*

**A**D hoc in apostolicæ sedis regimen, Domino dispo-  
nente, promoti conspicimur, vt ipso præstante reli-

gionem augere , & quæ recta atque ad salutem animarum statuta sunt nostri debeamus auctoritate officii stabilire. Idcirco , filii in Christo carissimi , petitioni vestræ caritate debita impertimus assensum , & religioni vestræ paterno congratulantes affectu , Dei operi quod cœpistis manum nostræ confirmationis apponimus. Siquidem consensu & deliberatione communis abbatum & fratrum monasteriorum vestrorum , & episcoporum , in quorum parochiis eadem monasteria continentur , quædam de observatione regulæ beati Benedicti , & de aliis nonnullis quæ ordini vestro & loco necessaria videbantur , capitula statuistis : quæ nimur ad maiorem monasterii quietem , & religionis obseruantiam , auctoritate sedis apostolicæ petitis confirmari. Nos ergo vestro in Domino profectui congaudentes , capitula illa & constitutiones auctoritate apostolica confirmamus , & omnia in perpetuum rata permanere decernimus. Illud nominatim omnimodo prohibentes , ne abbatum aliquis monachos vestros sine regulari commendatione suscipiat. Si quæ igitur ecclesiastica secularisve persona nostræ confirmationi & constitutioni vestræ temeritate aliqua obuiare præsumperit , tamquam religionis & quietis monasticæ perturbatrix , auctoritate beatorum Petri & Pauli & nostra , donec satisfaciat , excommunicationis gladio feriatur. Qui vero conseruator extiterit , omnipotentis Dei & apostolorum eius benedictionem & gratiam consequatur. Interdicimus autem , ne quis conuersos laicos professos vestros ad habitandum suscipiat.

Ego Callistus catholicæ ecclesiæ episcopus confirmaui & subscripsi.

Datum \* Sodoloci per manum Chrysogoni sacræ Romanæ ecclesiæ diaconi cardinalis ac bibliothecarii , decimo Kalendas Ianuarii , indictione XII. incarnationis dominicæ millesimo centesimo decimonono , pontificatus autem domini Callisti secundi papæ anno primo.